

KERATAN AKHBAR

(Bahagian Canselori)

Surat khabar: Utusan Sarawak (Sada Sarawak)

Hari/Tarikh: 7/3/2016

Muka surat: S4

Tajuk : Nembiaik pengawa perubat enggau indu misi dipinta belajar jaku Iban

Nembiaik pengawa perubat enggau indu misi dipinta belajar jaku Iban

KOTA SAMARAHAN: Nembiaik ti belajar ba bidang perubat enggau indu misi ba institusi pelajar tinggi sereta ngembuan perambu deka bekereja ba hospital tauka klinik ba nengeri tu penguadah tembu belajar dipinta belajar Jaku Iban dulu.

Penlung Menteri Pengerai Rama, Datuk Dr Jerip Susil madahka, Jaku Iban siti ari jaku ti pemadu suah dikena orang bejaku ba nengeri tu nyengkaum ba hospital enggau klinik.

"Enti nuan (nembiaik perubat enggau indu misi) ukai bansa Iban, nuan meseti ulih bejaku dalam Jaku Iban. Aku berasai tekenyit ati lebu nenuai ngagai tiap hospital laban ninga Jaku Iban mayuh dikena orang bejaku ninting ari," ku iya pengudah bejadika Aum Besai Nembiaik Indu Misi Universiti Malaysia Sarawak (UNIMAS) Ke-7 di Kampus UNIMAS, bedau lama ke udah.

Bisi 560 orang nyengkaum indu misi ari menua tu empu, Brunei enggau Singapura nyereta aum besai nya lalu pengerami nya mega diulu Dekan Fakuliti Perubatan Sains Kesihatan UNIMAS, Professor Dr Ahmad Hata Rasit enggau Penlung Naib Canselor (Hal Ehwal Pelajar enggau Alumni) UNIMAS, Professor Mohd Fadzil Abdul Rahman.

Dr Jerip madahka, enti nyema

nembiaik perubat enggau indu misi ulih bejaku dalam Jaku Iban, Jaku Bidayuh, Jaku China sereta jaku bansa bukai, sida nadai penanggul nelebaka diri bekereja ba nengeri tu penguadah tembu belajar ila.

Landik bejaku dalam mayuh bengkah jaku mega ngulihka sida ulih nemu enggau silik agi penusah tauka penyakit ti dituntung orang ti datai berubat.

"Aku pechaya, tanggungpengawa indu misi ukai semina bejalaika pengawa merubat aja, tang meseti ulih bejaku enggau manah. Nya kebuah, nembiaik ti belajar ba bidang berubat enggau indu misi diperansang ngambika riemu bejaku ngena jaku bansa bukai kelimpah ari jaku sida empu," ku iya,

Dr Jerip madahka, orang ti diau ba nengeri tu nemu bejaku ngena Jaku Ibunda, Jaku Malaysia, Jaku English, tauka Jaku Iban/Bidayuh tauka jaku bansa bukai ti ngulihka sida nyamai bejaku enggau mensia mayuh ti diau ba nengeri tu.

Berebak enggau nya ila, raban indu misi ari UNIMAS sereta institusi pelajar tinggi bukai ba nengeri tu ila ukai semina diambi bekereja ba menua tu empu, tang diambi bekereja ba menua luar baka Singapura, Arab Saudi, Australia enggau New Zealand.

Disediakan oleh: Olivia Ajan

Bahagian Perancangan Dan Komunikasi Korporat